

Kanton Sarajevo  
Skupština Kantona Sarajevo  
Elvedin Okerić, zastupnik političke organizacije Narod i pravda

**KANTON SARAJEVO**  
**MINISTARSTVO KOMUNALNE PRIVREDE I INFRASTRUKTURE**

**ZASTUPNIČKA INICIJATIVA**

Pokrećem inicijativu za rješavanje vodosnabdijevanja i odvodnje otpadnih voda naselja Poljine i Kromolj-MZ Betanija – Šip, Općina Centar.

**Obrazloženje:**

Trajno rješavanje pitanja izgradnje vodovodne mreže, čime bi se definitivno omogućilo kontinuirano snabdijevanje pitkom vodom 18 domaćinstava u ulici Poljine, Mjesna zajednica Betanija-Šip, Općina Centar. Stanovnici ove ulice već 12 godina nemaju vodu i voda im se dostavlja cisternama svakih 15 dana ali i često sa zakašnjenjem i neredovno. Iz KJKP “Vodovod i kanalizacija” koji ih opskrbljuje vodom na pomenuti način 4 m<sup>3</sup> naplaćuje 104,00 KM. Realizacijom ovog projekta definitivno će se okončati agonija i problem osamnaest (18) domaćinstava u ulici Poljine, MZ Betanija-Šip. Neophodno je zbog njegovog rješavanja hitno zatražiti dolazak ekipe KJKP “Vodovod i kanalizacija” na teren radi uvida u projekte koji već postoje s ciljem izgradnje vodovodne mreže u ovom dijelu navedene mjesne zajednice. Važno je istaći da samo 280 m od ovih domaćinstava neki “privilegovani građani” imaju uredno snabdijevanje vodom već dugi niz godina.

U istom naselju također bi se trebalo riješiti i pitanje vodosnabdijevanja ulice Gornji Kromolj. Trenutno se ovom vodovodnom mrežom koja je izgrađena ličnim sredstvima stanovnika navedene ulice koriste 33 domaćinstva. Pumpe koje pumpaju vodu za ova domaćinstva napajaju se strujom sa privatnog objekta, a sve troškove snose građani ove ulice. Trajnim priključkom na elektro-mrežu navedene pumpe preko Elektrodistribucije i preuzimanje nadzora od strane KJKP “ViK”, riješio bi se trajno problem sa snabdijevanjem vodom ova 33 domaćinstva. Važno je navesti da građani uredno plaćaju račune vode ViK-a, iako su vodovodnu mrežu i kompletno postrojenje sa pumpom i mašinskom kućicom sami izgradili i finansirali

Sarajevo, 02.09.2019.godine

Zastupnik u SKS

Elvedin Okerić